

Mvù Pôl mé Títe

Bèh bieê

¹ Né mè Pôl, nùà seê Càn; mè né cu mbòn tebé Yeésò *Kristò ndò. Càn né mè temá, ye mè a: bò nuaá mé nyí né yilá, ndé bó ñgòr nyí tueé nyegé, te bó kwaá njií temé yoòr nyí, bó ñene kò ñgòr gècên, bó bele tòu nyí ma;

² te bó den mé ndèm, ye bó nde né yòn tètàgà faá nyí lo tueé naâ nò kwa. À nyeén túé bèh lág; à lo tueé naâ sâ *wónh née ké jomo lè ndègè ye;

³ te cu yeé wulu baá, à nde ye yòn sâ lè ñgòr seène feh ñagá. Jomo sâ à kwaá lo beè mò, ye mè a, ndé bò nùàr ménâ se nyegé ndò. Nyí Càn Yilì nùàr tueé naâ ménâ kóó ma.

⁴ Mvù hên mè nyagá njií né mé wò Títe. Wò né faá huaán mò ñàr lè nò. Bèlò fà dónh kwaá njií gi né temé te ñgòr cén-e. Huaán mò, Tele beèh Càn bô Yeésò Kristò Yilì nùàr a, kúlú wò, bó haá wò dolê.

Seé mé Títe nde né bój den

⁵ Huaán mò, mè lé kwaá lòò naâ wò lè tàbè Kreéta, te wò bój cor nyegé bò njií mé lé leé naâ toò dónh, wò sie kwaá bele bò nùàr, bó den bò kokoô bò te bòn bò Yeésò bò lè lòó dé kàn mé dé kân. Mùnò dèn ká bò ndéb mò munò; mè lé ye wò a:

⁶ Nùà koô gwà Càṅ né lom nùà gècên mé bò nùàr yilí seèn túé vé ṅgwéh ma; ko à né lom mé véh cén; ko bò ṅuna seèn né temé yoòr Càṅ kwaá njií, bó né veèn nyenné, bó né tie ṅgweé, bò nùàr né ménâ ṅené koó ndo; sâ ye.

⁷ Nùà seê gwà Càṅ a, kóo ye nyí beè né mé seé Càṅ Dueè ma. Yilí seèn a dèn lòm ṅgulísé. À té ṅgúgó, à té nùà ṅá-temê dèn, à té mbè sèlà, à té sà fón, à té kàgàlòṅ mé kòb mene fón.

⁸ À dèn sér cu doón nùà wèh kìn, nùà húóm-temê, nùà kógòn, nùà dilí, nùà ṅagâ, mé nùà siè yoò ndo.

⁹ Bú a, njéba táre lòm te ṅgòr Càṅe tég, te den faá tueé nê no; ye né ṅgòr gècên. Mo né mân, sâ à nde né bò nùàr feh nyegé, à toó nyegé bó mé njéh; te sie bò sà-sòn bò be.

¹⁰ Tétán né bò nuaré déi lètenè bò *Jûf; bò sâ bò Càṅ dùlà bèh; bó né bò nùàr bele go, bó né bó ṅgòr kùkùlù tueé ndualé go ndo.

¹¹ Mo bó baá ménâ tueé, yín bó yiin; wanóṅ bó né mbàgà bò nùàr boó ṅellé. Njií mé bó sé la fèh ná ṅgwêh, bó né bò nùàr cí feh seér, bó né-re kàgàlòṅ kòkòb teèn yieé keéh.

¹² Nùà ndòn déi lètenè boòn mé feh seèn lo jueè bòn, wa:

Cu doón nyeén tueé né tabó bò Kreétà bò,
né bò nyam veèn,

né bò fùòb bò mé gwaán lom né lòu yieé deèn.»

¹³ Nùà hèllè lo jueè bòn. Mè tueé wò, mo wò baá bó njèh tueé, ndè sér bó lòu, te bó taré seér lè ceér Càṅe dé tarê.

¹⁴ Yílá bó yilà, te bó mé dèbbè ndègè bò Jûf kwé lè cú, bó mé ndéèb bò nyeên bò ηgwé lè cú ndo, wanóón bò nyeên bò hèllè ηgòr gècên gwàn bèh.

¹⁵ Dé nùà ηagâ, beè seèn njèh doón né gi ηagásé. Dé bòó mé ηágá ηgwéh môn sam; njèh doón beè boòn ηágá bèh. Lòu sam, bó temé yoòr Càη kwá njí bèh, ndòn boòn né kuú, lè boòn né lom ndândaà veên.

¹⁶ Bó tueé né faá bó né Càη kóó no, sâ né lom nyeén, seé boòn nde seér né bèh hiîn, bò dúágá-tie bò mé seé dudulí yo doón ceré né bó. Ndóg seé bagaà né lom bó yogó dé gècên.

2

Ngòr gècên

¹ Dé yeè, mo wò baá ηgòr Càη feh, fèh lòm te ceér-e faá tueé nê no.

² Júée bò kuúm a, bó té mbè sèlà, bó dèn dene bò kàm bò, bó dèn bò kógòn bò, bó kwá njí temé lè njèh gècên, bó dèn mé gwaân lè, bó yóló njèh yolò.

³ Túé cú mé bò ma kukuùm ménâ ndo, júée bó a: bó dèn lòm te ceér-e, bó té sòn túágá sàr gò, bó té kwer mbè ηá, bó fèh nyégé bò véh dé tètòr njèh bagasé ma.

⁴ Sâ bò véh dé tètòr nde né bò si boòn mé bò ηuna boòn bagasé gwaân nyégé,

⁵ bó nde né bò kógòn bò den, bó den ηagásé, bó nde né njèh ké gwò boòn mé húóm-temé mene boó nyégé, bó nde né sòn bò si boòn ηgweé, te bò nuàr ηgòr Càη túé béh cú.

⁶ Túé bò ndà ménâ ndo, júée bó a: bó siè yo sieè.

⁷ Wò mé feh yeè, dèn fèh bò nùàr dene gècên, te bó ke weh teèn. Fèh ngúlí nyégé njèh bagasé, né njèh kàm; fèh lòm bú faá nùà kàm no.

⁸ Túé lòm bò ngòr dé didilí. Mo wò né bò ngòr ménâ tueé, bò nùàr sàndé ngwéh, bò bònò bò nde né lòu gulí seér, te sòn nyeên duú bó ndo.

⁹ Júée bò kwer a, bó ngwé tie ngweè, bó bó làrè njií mé bò tele seê bòn gwaán nê doón, te bó den beè bò tele bòn huóómsé. Bó té sòn bòn ngén,

¹⁰ bó té bó njèh núób, bó dèn lòm bò gècên bò jéjêg sâ. Mo bó boó né ménâ, sâ bò nùàr nde né ngòr Càṅ teèn seén keéh. Càṅ Yilí nùàr né bú.

¹¹ Bí kóo ye, húóm-temé Càṅ né njolò bò nùàr ñené laré, ye nyí gwaán né bò nùàr doón yili soóm.

¹² Gèh húóm-temé bú hèn né béh lòu tueé kwaá, te béh nyenné veên, béh sòm temé beèh te *wóṅe, te béh ṅa seér bò lo bò, béh ká te wóṅe den dilí nyegé lòu. Béh gɔ lom gò bò Càṅ bò,

¹³ béh gaán cieé sèsàm mé ndèm beèh doón né gi teèn doó. Lòu sâ *sùsùm Yeésò *Kristò Yilí nùàr ndeé né bèsónè ñené yuo kelâ. Càṅ Dueè né bú.

¹⁴ À lé béh lè veên ṅa weéh naâ mé feh seèn, ye te béh den lom ṅagásé, béh ṅa bònò bò nùàr nyî, te béh boó komo bagaà, béh boó lom teèn dé boó.

¹⁵ Sâ kènê fèh lòm bò nùàr ménâ, fèh sòm kèh be seê yeè toò bòn, te bó kwa ye terreb te ceér Càṅe. Ndè bílí bó teèn mé dé ndeè mene. Mè tueé wò, té gwàn mé nuaré déi seb wò ndo.

3

Dene nùà Càṅ

¹ Túé cú ye bò nùàr a: bó ṅgwé sòn bò ṅgómna ṅgwèè, bó ṅgwéé sòn bò kokoô bò ndo; bó léb toò bòn leèb, bó kɔ gi ye, seé bagaà bɔ́ larê né seé bòn ma.

² Júée bò nùàr a, bó té nùàr júé, bó té tɔgɔ ndè, bó húóm temé, bó dólé sér toò bò nùàr dɔ́ṅ lòu ma.

³ Kóo ye béh dɔ́ṅ, béh lé naá gi ndugó gɔ; béh lé naá bò tàn-tie bò, béh né mbembaá bɔ́ sabé njií; tuaá né lom béh yoòr faá cí nɔ yilá huóm, béh né temé jeré sɔ́, béh né huer kuú, béh bò nùàr né bunó kuú ndo.

⁴ Mé njéh mene, Càṅ Yilì nùàr lé naá seêr béh húóm-temé seèn feh keéh, à temé yoòr beèh sòm ṅgwéh,

⁵ à lé naá béh yili sòm; lé naá dé lòu ndo, dèn ṅgwéh mé seé bagaà bɔ́ komò. À lé kɔ seér naá béh jere lòu, à yaga sòm béh veèn yoòr, te bó ṅar seér béh dé feê; terreb Cúcuí Ṅagá kweéh seér béh ndo.

⁶ Kènê Càṅ fam njií aá béh Cúcuí sâ yoòr, béh baá mé njéh lè lè. À béh ménâ bɔ́ kuú né felè Yeésò *Kristò, nuaá mé lé naá béh yili sòm.

⁷ À lé béh ménâ bɔ́ naâ mé húóm-temé seèn, ye te béh ɲa bɔ́ didilí bɔ́ beè nyí, béh kwa yòn tètàgà mé béh né gi ndèm teèn kwaá njií doó.

⁸ Bɔ́ jéjég ɲgòr né cí. Mè gwaán né ye wò tueé ɲeí den teèn lòu, te bɔ́ mé né temé yoòr Càn kwaá njií doón faga feh, bó yila lom seé gècên bɔ́. Huóm kela né cí, te gam nùàr doón.

⁹ Njèh cén, té sòn te ɲgòr kùlù yí, gè mé ceér dèbbè ndègè bɔ́ nùàr, té tɔgɔ ndè, té mé *sóú sà̀n lè, gàm ɲgwéh lág, né lom wɔb ɲgòr mbaá.

¹⁰ Mɔ nuaré déi baá kèrrè si, túé kwá bú tueé; túé bú mbei fà, jomo sâ yùò kwarè seèn yuò.

¹¹ Kóɔ ye, kèkènè bɔ́ sâ bɔ́ jomo saàb naâ ceér gècên, bó ju die nde né mé be bɔ̀n ma.

¹² Mɔ mè tema njií aá wò Artemâs, wa né Tisîk wa, lègè ndé kâ ndeè, wò ndé kwà mè ké Nìkòpòlís; mè taɲ gi aá, ye cu dùlù kwa nde né mè ké sâ ma.

¹³ Bó nyégé ká bagasé, te wò gam Jènâs bɔ́ Apólôs mé gò bɔ̀n teèn ndɔ. Jènâs né dé seèn nuaá mé né gi sóú kóó. Té gwàn mé bó gɔ be be.

¹⁴ Bɔ́ Yeésò bɔ́ doón a, yí gí be te seê, bó mèh mé seé bagaà bɔ́, te bó koó bɔ́ mé njèh né bó saám ndɔ, bó té mbaá dèn vù dèn.

¹⁵ Bɔ́ nùàr ká kwarè mò doón ye, bíé kéh wò бага. Bíé kéh bɔ́ mbei beèh mé né gi te ceér Yeésò ndɔ.

Húóm-temé Càn a, ká siè gí bí beè doón.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
f0e8e7ba-c2cf-57f7-9a60-8ff0e792e158